

Incumbensa Rettich concernent posts da contact e da consultaziun per personas dependentas da drogas

Dapi la rumida da la scena da drogas averta sco il Platzspitz ed il Letten è la politica da drogas sa midada en Svizra. Er sche quai fiss giavischabel, ma in'abstinenza cumpletta n'è per bleras personas dependentas da drogas displaschaivlamain betg realisabla. Chantuns precursurs sco Turitg e Basilea-Citad han realisà ils ultims onns la politica naziunala da las 4 pitgas cun concepts progressivs e stgaffi posts da contact e da consultaziun cun locals da consum per personas dependentas da drogas. En il chantun Lucerna vegn ina tala purschida schizunt realisada da la baselgia catolica (lavur sin via da la baselgia) en il senn da l'amur per il proxim.

En il chantun Grischun n'è la politica da drogas strusch sa sviluppada vinavant durant ils ultims 20 onns. L'uniun per l'agid da survivenza porscha in post da contact e da consultaziun, nua che personas a l'ur da la societad ch'èn bain en gamba (!) chattan in suttegt ed in past. En l'ambulatori Neumühle pon personas fermamain dependentas da drogas vegnir tractadas cun opioids sco diafin (heroin), metadon ed ulteriurs medicaments. En ils servetschs psichiatics dal Grischun stattan ultra da quai a disposiziun plazzas da terapia. Percunter manca dal tuttafatg la purschida d'in local da consum.

Las consequenzas per la sanadad e per la societad (indebitament, decadenza, esser senza dachasa, infecziuns, COPD e.u.v.) pervia dal consum da drogas malnettas chaschunan custs orrents per il sector da sanadad e per las vischnancas, augmentan la miseria, isoleschan las personas pertutgadas e procuran regularmain per mortoris. Ultra da quai vegn engrevgià fermamain il spazi public tras polluziun, tras la vendita publica da drogas, tras il consum en la publicitad e tras ils utensils da quest consum che vegnan laschads enavos. Cun ina purschida accumpagnanta en furma d'in post da contact cun in local da consum pon vegnir cuntanschidas, sco che las experientschas dals chantuns menziunads sco exempels mussan, distgargias e meglieraziuns en tut quests secturs.

Perquai incumbenseschan las sutsegnadras ed ils sutsegnaders la regenza cun la suandanta mesira:

- stgaffir e garantir in u plirs posts da contact e da consultaziun cun in local da consum per personas dependentas da drogas en il chantun Grischun.

Cuira, ils 4 da december 2018

Rettich, Caluori, Hohl, Atanes, Berther, Bettinaglio, Bigliel, Bondolfi, Brandenburger, Brunold, Buchli-Mannhart, Cahenzli-Philipp, Casty, Cavegn, Caviezel (Cuira), Censi, Clalüna, Danuser, Degiacomi, Della Cà, Deplazes (Cuira), Deplazes (Rabius), Dürler, Ellemunter, Epp, Fasani, Felix, Florin-Caluori, Gasser, Geisseler, Giacomelli, Gugelmann, Hardegger, Hartmann-Conrad, Hitz-Rusch, Hofmann, Holzinger-Loretz, Horrer, Jenny, Jochum, Kappeler, Kienz, Kohler, Kunfermann, Lamprecht, Locher Benguerel, Maissen, Märchy-Caduff, Marti, Michael (Castasegna), Müller (Favugn), Natter, Niggli-Mathis (Grüsch), Noi-Togni, Papa, Perl, Pfäffli, Preisig, Rüegg, Salis, Schneider, Schwärzel, Tanner, Thomann-Frank, Thöny, Thür-Suter, Tomaschett-Berther (Trun), Ulber, von Ballmoos, Wellig, Widmer (Favugn), Widmer-Spreiter (Cuira), Wieland, Wilhelm, Zanetti (Sent), Zanetti (Landquart), Bürgi-Büchel, Decurtins-Jermann, Gujan-Dönier, Spadarotto